

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-34-10893/14
Tuzla, 13.05.2014. godine

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11), a u vezi sa tačkom VII Odluke o pokretanju procesa izrade Strategije razvoja Tuzlanskog kantona za period 2016. - 2020. godina broj: 02/1-05-011920/14 od 13.05.2014. godine, Vlada Tuzlanskog kantona na sjednici održanoj dana 13.05.2014. godine, d o n o s i

R J E Š E N J E

I

Ovim Rješenjem imenuje se Kantonalni odbor za razvoj (KOR) kao operativno, izvršno i koordinaciono tijelo zaduženo za vođenje procesa planiranja na nivou Tuzlanskog kantona, u sljedećem sastavu:

1. Mirela Omerović, savjetnik Premijera, koordinator Kantonalnog odbora za razvoj, službenik zadužen za oblast migracija i razvoja,
2. Senad Ovčina, stručni savjetnik za planiranje i realizaciju razvojnih planova, predstavnik Ministarstva razvoja i poduzetništva Tuzlanskog kantona, zamjenik koordinatora Kantonalnog odbora za razvoj, službenik zadužen za oblast migracija i razvoja, član,
3. Enver Čosićkić, sekretar Vlade Tuzlanskog kantona, član
4. Velida Mujkić, sekretar Ureda Premijera, član
5. Anisa Mukić, šef odsjeka za izvršenje Budžeta Tuzlanskog kantona, predstavnik Ministarstva finansija Tuzlanskog kantona, član
6. Jela Lukić, upravni inspektor, predstavnik Ministarstva pravosuđa i uprave Tuzlanskog kantona, član
7. Emir Softić, sekretar, predstavnik Ministarstva prostornog uređenja i zaštite okolice Tuzlanskog kantona, član
8. Anto Iljkić, sekretar, predstavnik Ministarstva za rad, socijalnu politiku i povratak Tuzlanskog kantona, član
9. Fehrija Bajramović, sekretar, predstavnik Ministarstva industrije, energetike i rudarstva Tuzlanskog kantona, član
10. Mirela Uljić, šef odsjeka za vodoprivredu, predstavnik Ministarstva poljoprivrede, šumarstva i vodoprivrede Tuzlanskog kantona, član
11. Mersija Jahić, pomoćnik ministra za obrazovanje i nauku, predstavnik Ministarstva obrazovanja, nauke, kulture i sporta Tuzlanskog kantona, član
12. Mustafa Šahović, pomoćnik ministra za finansije, predstavnik Ministarstva za boračka pitanja Tuzlanskog kantona, član

13. Safet Begić, sekretar, predstavnik Ministarstva unutrašnjih poslova Tuzlanskog kantona, član
14. Nenad Lukanović, pomoćnik ministra za saobraćaj, predstavnik Ministarstva trgovine, turizma i saobraćaja Tuzlanskog kantona, član
15. Devleta Čičkušić, sekretar, predstavnik Ministarstva zdravstva Tuzlanskog kantona, član
16. Enisa Hasanagić, pomoćnik sekretara Skupštine, predstavnik Skupštine Tuzlanskog kantona, član
17. Abdulah Hadžiavdzić, sekretar, Obrtnička komora Tuzlanskog kantona, član,
18. Nedret Kikanović, predsjednik, Kantonalna privredna komora Tuzlanskog kantona, član
19. Amra Jaganjac, projekt menadžer, Udruženje za razvoj NERDA, član
20. Mehmed Krainović, načelnik, Federalni zavod za statistiku, Služba za statistiku za područje Kantona Tuzla, član
21. Muris Bulić, konsultant za monitoring, Centar civilnih inicijativa, predstavnik nevladinog sektora iz oblasti društvenih djelatnosti, član
22. Džemila Agić, direktorica, Centar za ekologiju i energiju Tuzla, predstavnik nevladinog sektora iz oblasti zaštite okoliša, član.

II

Zadaci Kantonalnog odbora za razvoj iz tačke I ovog Rješenja su sljedeći:

- 1. Priprema i organiziranje procesa izrade integrirane strategije razvoja Tuzlanskog kantona**
 - Identificira kantonalne aktere, provodi analizu aktera, podstiče učešće i uključivanje relevantnih aktera sa područja Tuzlanskog kantona u proces planiranja (kantonalna ministarstva i administracija, direkcije, uprave i zavodi i ostale institucije javnog sektora, NVO, poslovni sektor, akademska zajednica, ugrožene i socijalno isključene kategorije stanovništva),
 - Formira Partnersku grupu za razvoj Tuzlanskog kantona, organizira i priprema njene sastanke, priprema izvještaje sa sastanaka.
- 2. Izrada strateške platforme, uključujući socio-ekonomsku analizu, razvojnu viziju i ciljeve**
 - Prikuplja i obrađuje podatke neophodne za izradu strateške platforme, uključujući socio-ekonomsku analizu, razvojnu viziju i ciljeve, u saradnji sa relevantnim akterima i, ukoliko je relevantno, vanjskim konsultantima i/ili pružiocima tehničke podrške,
 - Izrađuje stratešku platformu u saradnji sa relevantnim akterima i angažiranim stručnjacima,
 - Prezentira nacrt strateške platforme Partnerskoj grupi za razvoj, prikuplja povratne informacije i finalizira stratešku platformu na osnovu preporuka Partnerske grupe, prije njenog dostavljanja premijeru i Vladi Tuzlanskog kantona, i kao informaciju Skupštini Tuzlanskog kantona,
 - Organizira i podstiče participatorni proces definiranja strateške platforme razvoja i razvojnih ciljeva u okviru Partnerske grupe za razvoj.

3. Izrada sektorskih planova

- Kantonalni odbor za razvoj predlaže, a premijer odobrava, odabir tri člana Kantonalnog odbora za razvoj koji će koordinirati rad sektorskih radnih grupa i pripremu tri sektorska plana razvoja - plana ekonomskog razvoja, plana društvenog razvoja i plana zaštite i unapređenja okoliša kantona, usklađenih sa strateškim planovima lokalnih zajednica u sastavu kantona, kao i sa strateškim dokumentima viših nivoa vlasti,
- Na osnovu prethodne analize aktera - kantonalnih ministarstava i administracije, direkcija, uprava i zavoda, te ostalih kantonalnih institucija javnog sektora, kao i aktera iz jedinica lokalne samouprave u sastavu kantona, preko koordinatora sektorskih radnih grupa, uspostavlja sektorske radne grupe, osiguravajući učešće relevantnih stručnjaka iz datog sektora, predstavnika javnog, nevladinog, privatnog sektora, predstavnika ugroženih i socijalno isključenih kategorija stanovništva, i svih drugih aktera koji mogu doprinijeti kvalitetnom procesu izrade sektorskih razvojnih planova,
- Koordinira radom sektorskih radnih grupa preko njihovih koordinatora, te osigurava provođenje sveukupnog procesa izrade sektorskih planova, uključujući:
 - o SWOT analizu u datim sektorima i sektorsko fokusiranje,
 - o Utvrđivanje prioriteta u datom sektoru i definiranje sektorskih operativnih ciljeva,
 - o Definiranje programa, projekata i mjera u okviru datog sektorskog plana,
 - o Pripremu projektnih ideja sa okvirnom finansijskom konstrukcijom i izvorima finansiranja,
 - o Definiranje indikatora za praćenje ostvarivanja ciljeva i implementacije datih sektorskih planova.
- Po potrebi preko koordinatora sektorskih radnih grupa organizira *ad hoc* fokus-grupe sa relevantnim akterima o specifičnim pitanjima od značaja za definiranje razvojnih prioriteta (npr. sa poduzetnicima, predstavnicima jedinica lokalne samouprave, nevladinim organizacijama, specifičnim ugroženim kategorijama stanovništva sa područja kantona, i sl.),
- Osigurava kontinuirano međusobno usklađivanje prioriteta sektorskih razvojnih planova u skladu sa principima integriranog planiranja razvoja, uključujući i usklađivanje strateških prioriteta sa prostornim planom kantona.

4. Izrada operativnog dijela integrirane Strategije razvoja kantona

- Priprema plan implementacije kantonalne razvojne strategije na osnovu sektorskih razvojnih planova, vodeći računa o međusobnoj povezanosti i koordinaciji ciljeva, programa, projekata i mjera, te očekivanih rezultata sektorskih planova,
- Osigurava horizontalnu i vertikalnu koordinaciju razvojnih dokumenata (razvojni dokumenti viših nivoa vlasti, okvirni višegodišnji i godišnji finansijski plan Tuzlanskog kantona, program javnih investicija, i sl.),
- Priprema indikativne sektorske finansijske planove i finansijski plan strategije razvoja, osiguravajući horizontalnu i vertikalnu koordinaciju, koji će predstavljati osnovu za izradu plana javnih investicija i Budžeta Tuzlanskog kantona,
- Izrađuje plan razvoja organizacionih i ljudskih kapaciteta za implementaciju strategije.

5. Priprema nacрта integrirane strategije razvoja Tuzlanskog kantona

- Po izradi prvog nacрта integrirane strategije razvoja Tuzlanskog kantona, organizira sastanak Partnerske grupe za razvoj, prezentira nacrt razvojne strategije i finalizira ga u

skladu sa preporukama Partnerske grupe, prije dostavljanja konačnog nacrtu razvojne strategije premijeru i Vladi Tuzlanskog kantona i daljeg upućivanje istog Skupštini Tuzlanskog kantona na razmatranje i usvajanje.

III

Kantonalni odbor za razvoj će na svojoj konstituirajućoj sjednici usvojiti Poslovnik o radu KOR-a, kojim će se urediti način rada ovog tijela.

IV

Zadužuje se Ministarstvo razvoja i poduzetništva Tuzlanskog kantona da Kantonalnom odboru za razvoj (KOR-u) pruži potrebnu podršku u procesu izrade Strategije razvoja Tuzlanskog kantona.

V


Članovi Kantonalnog odbora za razvoj će utvrđene zadatke obavljati bez naknade.

VI

Ovo Rješenje stupa na snagu danom donošenja i objavit će se u „Službenim novinama Tuzlanskog kantona.“

DOSTAVITI:

- 1 x Uredu premijera
- 1 x Članovima Kantonalnog odbora za razvoj
- 1 x Evidenciji
- 1 x a/a



PREMIJER KANTONA

Prof. dr. Bahrija Umihanić